

二經同卷

畫六

迦丁比丘說當來變經

大阿羅漢難提蜜多羅所說法住記

迦丁比丘說當來變經

失譯今附宋錄

是時迦丁比丘告眾會曰汝等靜聽吾今所

陳德甫

說初中竟語如佛所說言無違錯當來之世
 當有惡變甚可怖畏汝等欲知我今說之來
 事大恐好當勤加修精進業吾蒙佛恩今得
 安隱汝等出家宜順佛教人壽百歲少出多
 減當來之世惡法興盛惡比丘出破壞佛法
 法欲盡時人意薄弱無有志勇務懷嫉妬更
 相謗毀貪著文字務親紙墨而自光自謂之
 為上若有比丘從師口受諷誦通利分別句
 義而為他人分部說之而更輕慢此二學家
 更共闢諍吾所說是汝所說非貪利財寶心
 口相違愚癡之人不解經意倒釋其義說者
 亦反受者復倒語言不正經偈參錯所學既

少但懷憍慢輕慢他人當來之世如此之輩
 人甚為眾多傲慢師長不復承事謂三師言
 我所說真實汝所說言偽此輩比丘親著俗
 服白衣所行而習學之閑居靜處而不樂之
 人間憤鬧貪慕係戀不能遠之雖於人間起
 佛塔寺更相嫉妬四方比丘經過止任要報
 寺主亦乃得任然雖得任內心恚恨意不喜
 之若去之後盡共歡喜佛寺之中所任比丘
 還相妬忌或妬錢財或妬顏色或妬供養或
 妬種姓或妬經法秘惜不傳追逐貴人有力
 勢者心意沮敗崩壞佛法貯聚錢財奴婢六
 畜修治園圃以此為上內外已變強著袈裟
 剃頭而已晝夜殷勤勤修官事國中目吏有
 力勢者追逐奉之猶如奴僕檀越之家敬三
 寶故減妻奪子不敢衣食起佛塔寺施僧房
 舍衣服卧具悉令饒足復恐乏少即出家中
 名珍上寶著其塔中任寺沙門追逐官長欲
 望敬事即取檀越塔中所有持上官長官長

貪財不推本末益得為善用是貪嫉死入地獄其比丘者貪著名利取三寶物妄為恩惠用是罪故死入地獄或有比丘身犯眾惡以三尊錢財求謝他人以求解脫或有比丘及諸白衣貪三尊財強獲罪負極取持去斯輩之人盡入地獄若作法師作持律行者通四

盡六

二

阿舍者各與白衣有力勢者共為親友坐白衣牀便共密語談說餘人善惡好醜依著白衣恃其力勢意所不喜便危害之若為說法以邪為正以正為邪作是行者名為天下非法分部佛有三藏經夫為師者秘惜不傳不教弟子所以者何恐弟子知與我等者便輕慢師是以秘之為弟子者何名出家無所學識則便空出至使弟子遂懷瞋恚輕慢於師無復上下語言矧麤此輩比丘興乎惡行魔及官屬盡得其便墮魔部界反自稱譽誰與我等心變意惡三毒熾盛不能自禁貪利供養達觀財物不避罪福益得為善用供養故

便共鬪諍外著法服不知戒行出入行來不從法教搖頭顧影迷著色欲甚於凡俗居賤賣貴或出倍息務貪贏利比丘行法捨棄不行得少利入則便歡喜比丘僧聚坐禪學問不能堪耐而遠避之貪求財利四出求索不覺疲倦欺調百姓無有厭足若有塔寺僧房

卧具肥濃之處競入其中外像持戒內懷姦非人見恭敬漸漸日日追逐白衣奉事供給白衣歡喜復敬望之展轉嘆美言此比丘戒行清純不知其內專為虛偽多畜弟子沙彌奴婢四向求索積聚無足言我持戒年歲未滿行便將從戒法日緩不信罪福出言兇強

盡六

三

好與酒客姪蕩女家與之從事或入官長官閤出入以自榮美或殺人聚或喜作務百種生活談說王事治政好醜或談軍馬鬪諍勝負或談盜賊或談飲食或談婦女情欲晝夜談說世間邪事明師善友不肯親附更與屠兒惡賊嗜酒盜劫販賣邪姪之人共為親厚

飲酒卧起心漸染戀習彼所行或勤家業或
為白衣走使不避遠近如此輩人不知正法
復使作沙門名曰壞法既自不孝父母尊老
若見持戒比丘清高梵志而罵辱之無有慈
心賊害群命劫人財寶私人婦女口好妄言
閨門姪乱不避上下若見清潔比丘尼姪意
為起而追逐之破毀戒行如此輩人現世為
王法所得收繫著獄五毒治之若有國王大
臣人民犯斯惡者則令風雨不時五穀不豐
人民窮困盜賊並起軍革數興萬民逃避五
族離散聚落空虛彼時世人因無衣食避世
苦故競作沙門作沙門已破壞佛法輕慢上
下合聚惡人意令志同而為結友便相稱揚
某戒行清某行禪定人民聞見謂為審然若
擅越請轉經說法便竊裸卧不肯聽采若分
達觀則競諍之求索供養衣被飲食無有厭
足多畜弟子不以法訓佛之正戒不以誨之
弟子不解戒行禪定修道之法而為師者務

相聚會談講世俗非法之事以為常業如此
輩人受他供養施者福少受者有殃若有四
輩聚會說經不樂聽之若有白衣來欲聽經
競共迎送供給所須不失其意若說禁戒則
共闢諍乃至夜半言眾人疲但說四事若理
闢諍不以疲厭若說淨戒講經法時不欲聞
之當來比丘欲乱法者竟起佛寺處處聚會
共十五日有布薩說戒者雖共聚會但共闢
諍亦不說戒講法諸天人民見僧聚會欲聽
經法但聞闢諍即相謂言我為法來反聞闢
諍於此何求心中不樂愁慘而去自念不久
佛法將滅諸天龍神及諸夜叉諸善鬼神皆
共愁悵不復擁護佛法眾僧令諸惡鬼吸食
其血令皆多病薄色力劣顏貌枯悴無有威
德皆由此矣比丘若病不相看視心畏惡之
樂欲令死時病比丘無看視故遂便喪亡佛
法欲滅比丘白衣皆共慳貪積聚財產不肯
惠施但貪欲得摩摩帝者不信罪福無復上

畫六

四

下亦不分別三尊財物無道用之或共婦女或共白衣雜厠居止飲酒歌舞使相娛樂凡俗無別更相嫉妬緣是之故財物衰耗業不諧偶此輩比丘用婬欲故樂在家居不厭為苦好與童女相結為姻所以者何童女之意特為深重初得男子心相戀著俱不忘捨或與婬蕩女子就共生活或比丘尼為家居者若有比丘不畜遺餘乞匄充身諸破戒比丘盡共憎惡不欲見之告諸檀越言此比丘內懷諛諂外現持戒不足可與於今之世若有犯戒比丘盡共惡之將來之世見有清淨持戒比丘反共憎之今時比丘屏處犯戒畏人見之將來之世若有比丘奉戒禪定畏人見之所以今者將來之世憎持戒故當來比丘強知貪利不知羞耻如此人輩彼世癡人盡恭敬之見持戒者反輕毀之一切万物悉皆是寶用人不識皆即化設佛法亦亦由是之故正法轉沒用不敬奉令法沒盡譬如大船

盡六

五

多所負載重則沉沒將來之世多有比丘貪惑供養令法毀沒若有比丘奉戒護律法當久存如師子王雖死卧地飛鳥走獸無敢近者旬日之間身中生虫還食其肉毀壞身形佛雖泥洹正法續存梵魔眾聖一切邪道無能毀佛法者將來當有無行之人入佛法中求作沙門破壞佛法更相輕毀學三藏者轉相嫉妬為嫉妬故佛法疾滅欲護佛法當除憍慢棄捐嫉妬將來比丘如佛法者如猪處困不自知是多是所搪突如無韉驢不顧禁戒飲酒噉肉不以時節共結親友或穿人墻屋劫人財物或受人寄共相詬冒更相證明忍於撻笞改易券信多得為幸若僧因緣共會聚時諸下座輩呵罵上座上座默然愁慘出去今時下座不以禮教以自拘制可為師者更不受之比丘有是闍諍之時法將滅盡天下騷動盡共不安國王調役無復厭足盜賊並起劫奪民財轉入於王王者得財遂長益

賊治政崩壞相殺不問人民窮苦姦巧滋生天下枯旱風雨不時穀米飢貴王賈販賣踰越境界耕田種作收入薄少晝夜勤苦身口不繫無用充官万民嗷嗷乃不思存尔時比丘亦復耕田四出賈作經理官私與俗無異甚為苦哉將來之世當有三天子出破壞天下一名邪來那近在南方中國當有一天子出北方晉土有一天子名曰捷秋佛法將滅此三天子乃出晉破壞國土殺害人民破塔僧園輕慢沙門考治五毒亦率兵眾詣天竺國破壞土地多所殘害尔時中國天子當復興兵破壞晉土及其臣民還其本土是時晉土沙門為官所困或有死者或有返俗者或巡四出向天竺者或有達者有不達者或有盲聾跛蹇羸老病瘦不任去者為官所殺尔時中國天子敬佛法眾惠施一切見犯戒者即訶諫之時有上座比丘名尸依仇通知三藏為王說法王甚歡喜即請眾僧於拘睒弥

畫六

六

國作般闍于瑟盡請一切釋迦文弟子在閻浮提者悉令集會時有百千比丘末後大會大會者佛法向盡更不復會故言末後尔時會中轉相問言汝等和上及阿闍梨為在何許各答之曰我等之師中道病死者賊所殺者疲劣不能前者言已達者皆共悲結舉聲號哭當此之時十五日夜天大惡風暴雨說二百五十戒中有聞者或不聞者時諸比丘便共鬪諍大語呼上座比丘諫眾人曰仁等小言當用法故更勿乱語吾用比丘法當解汝意今閻浮提釋迦文弟子盡來會此是會末後今我所學更不復學唯願默然聽我所說復有比丘聰明智慧深入禪定語眾人曰我所入禪悉已備足今此大會百千比丘欲聞法戒能持行者我當說之願諸釋子默然靜聽復有比丘字須陀流暗言以得羅漢即從坐起一心叉手禮上座足便師子吼我欲說經眾坐勿鬧經中所說吾悉學之無有錯

候終不復疑如佛所言上座弟子名曰上頭亦足上志行兇惡即從坐起謂須陀流曰汝何所知不解經法戒律上座欲說竟共說之亦時上頭即以鐵杵打殺須陀流須陀流已度生死中有持戒比丘默然便起出去亦時有信佛夜叉復以鐵杵擊殺上頭比丘當

畫六

七

於亦時天地六反震動虛空之中自然有叫喚稱怨之聲四向復有雷震兩墮四向復有惡氣滿于虛空雷震四至亦時一切衆生之類見是變恠悉共相對舉聲悲哭皆相謂言今日末後佛法盡矣上至二十八天無色諸天及龍阿須輪滿于空中舉聲大哭自撲墮地復有奉法羅刹及見佛夜叉悉皆舉身自投于地口說是言從今以往天下更不復聞說二百五十戒聲比丘不復奉行之天下孤寡衆生失明甚速奈何天下不仁人民相殺無有問者猶如野畜法行已墮法鼓已裂甘露門已閉諸經法師命已喪失法炬已滅法

輪已倒十二部經已散已解法輪已折法水已止法海已竭法山已崩諸山谷間無復精進坐禪比丘諸天善神見山谷空無所奉敬悉皆自撲人民盲冥無法可行時諸魔衆皆大歡喜以名衣上服更相貢上佛法已滅我等邪法今始得與更相慶賴迦丁比丘告諸弟子當來惡變其事如斯今日佛法猶故存在宜勤行之佛之正法如深草澤衆生仰之無所乏少若草澤枯竭衆生飢困墮于生死猶如賈客不勤用心財寶日耗父母妻子無所濟活身心焦燃悔無所及今正法存極可行之恣取何道若復放逸不欲精進空出無獲返爲三塗之所沒溺悔之無及今汝四輩思佛重恩奉上如父親下如子汝等四大強健心堅意猛勤行精進可得度苦復一旦身心微弱而爲老病所見踴蹈悔無所及今國土人民未至盛惡兵革未起人民安隱米穀平賤分衛易得念勤精進可無後悔時諸弟

子聞說是法悉皆誓首禮大仙足心意惶怖
身體戰掉悲泣白言將來之世法沒盡時見
此世者意當云何何忍見之我等今日聞說
是事心用崩破彼世之人遭此惡者身心豈
不裂作百段耶時諸弟子忽復自議至心投
地同聲白師我甚惶怖云何得道免于斯苦

畫六

八

不遭斯惱大仙告曰道無遠近勤求則得無
有前後此經名曰大仙迦丁所記當來秘議
要集宜勤精進可免斯苦時諸弟子聞經悲
泣飲淚誓首奉行

迦丁比丘說當來變經

大阿羅漢難提蜜多羅所說法住記

三藏法師玄奘奉 詔譯

如是傳聞佛薄伽梵般涅槃後八百年中執
師子國勝軍王都有羅漢名難提蜜多羅
婁婁具八解脫三明六通無諍願智邊際定等
無量功德皆悉具足有大威神名稱高遠以

願智力能知此界一切有情種種心行復能
隨順作諸饒益化緣既畢將般涅槃集諸苾
芻苾芻尼等說已所證諸妙功德及應所行
利樂有情諸勝事業皆悉成辦告時眾曰自
今已後無復所為唯無餘依是所歸趣仁等
當知有疑可問時諸大眾聞是語已舉聲號

哭不能自持宛轉於地或起唱言佛薄伽梵
久已涅槃諸聖弟子亦隨寂滅世間久空無
真調御今唯尊者為天人眼如何復欲棄捨
我等願垂哀愍少留壽命尊者慶友慰喻眾
言不須啼泣仁等當知世間法亦有生必滅
諸佛如來降伏四魔於壽自在隨順世故猶

畫六

九

示涅槃況我今者豈宜恒住設隨汝請亦無
利益當體此意勿生憂惱但有疑者應可速
問諸苾芻等雖承告示猶增涕噎良久乃問
我等未知世尊釋迦牟尼無上正法當住幾
時尊者告曰汝等諦聽如來先已說法住經
今當為汝粗更宣說佛薄伽梵般涅槃時以